

I O A N N E S B L A E V  
L E C T O R I  
S. P. D.

**N**tibi, Lector Benevole, quartam Atlantis nostri partem, jam à multis annis promissam. Continet Angliam; in qua delineanda secuti sumus accuratissimas illius regni tabulas, à Ioanne Spead antehac in lucem editas: his descriptiones Guilielmi Cambdeni, viri antiquitates Britannicas solide docti, adjecimus; ut omni ex parte absolutum foret hoc volumen. Nec tamen alias dedimus, quam quæ Angliæ regnum spectarent. Scotiæ enim, Hiberniæque, in quintam, quam jam molimur, partem rejecimus. Complectetur illa Scotiam, & Hiberniam: Scotiam ex autographis Timothei Pont Tabulis; quas magnus hujus ævi literatorum Mæcenas, Ioan. Scotus Sco-to-Tarvatus, è tenebris eruit, & quasi ab interitu vindicavit. In iis etiam emendandis operam navat vere nobilis Baro, Robertus Gordonius à Strath-Loch. Quin & novarum descriptionum iidem nobis spem faciunt; quarum aliquas hactenus accepimus. Illis addam quicquid de Scotia, & Hibernia, Cambdenus reliquit. Habebit insuper illa Appendicem plurimarum tabularum; quæ post editionem priorum voluminum manus ad nostras pervenerunt. Græciam, cum aliis, peculiari volumine exhiburi sumus. Interea Ptolomæi Geographica à nobis exspecta: tex-tum cuius, ex variorum tum in Italia, tum in Gallia, & Anglia, exemplarium Manuscriptorum collatione, correctissimum dabit, atque illustrabit Notis, in Veteri Historia Geographica versatissimus, Isaacus Vossius, summi illius, & nobis amicissimi Viri Gerardi Ioannis filius. In Vrbium Theatro plane renovando nunc quoque occupor; cuius priores partes duæ sub finem hujus anni prodibunt. Dum vero, quæ ad consummationem Atlantis nostri restant, paro, his fruere; laboribusque nostris fave, & vale. Amstelodami ex Typographeio meo Kal. Sept. An. M D C X L V.

\*

